

嘉慶直隸太倉州志

直隸太倉州志卷五十七

藝文六

崇明錄

宋

孝經註 李重發著

元

在山稿 僧紹時著 下同

感應篇集注

簡驗醫方

明

樵雲集 施文禮著

直隸太倉州志

卷五十七

雨泉集

張淮著下同

牡丹百詠

琴堂清暇錄

梅伯昂著

粵西三祝

施一德著

密邇吟

陳登明著下同

焚言草

閩遊草

逸我齋集

寶華堂侯秋吟

桑梓壽難記

呂於韶著下同

閩遊草

紫淵集

醉里吟

振鐸餘香

春秋備要

張浩著下同

麟旨闡微

四書增刪說約

積品集

施世德著

明壽堂集

施之美著

易辨

管玉衡著下同

禮辨

無病十法

正嘉大集州元
卷五十一
破偽書

聖辨

圓辨

禪辨

醫辨

自怡集 施文起著

時務策 沈四友著 下同

道閑錄

治穀全書

雨窗罪言

芻蕘淚墨

海運奏疏

沈廷揚著

日省錄

沈元漸著

春秋書法辨

宋龍著下同

菊莊詩文稿

體道篇

王錦裳著下同

四書醒

經世通考

全史大觀

橘隱集

黃仁著

兩朝

筠陽小草

朱廷瑜著

直隸太倉州志

卷五十七 藝文

文恪公制草

朱德宜著下同

奏議

詩稿

莊史辨誣

大易講義

施國治著下同

讀史偶記

補唐詩類選

文集三卷

沈齊曾著下同

樂府三卷

雜著一卷

筆乘一卷

一山詩選六卷 施何牧著下同

日課藏稿

明詩去浮四卷

史肇二卷

梅陸詩笈

韻雅五卷

一山藏稿

一山全集

一山別集

沈德潛云一山先生中歲歸田守正履道詩學斷斷唐宋之間不肯隨時趨向今沒世三

十餘年詩卷零落幾盡矣

四書要達

袁終綵著

羣書考正

何焯著

趙廷健云

羣書考正

羣書考正

羣書考正

羣書考正

羣書考正

國志文選

韓柳集杜

工部集

李義山集

唐詩

唐詩

唐詩

唐詩

義門讀書記

何焯著

義門讀書記

義門讀書記

義門讀書記

義門讀書記

義門讀書記

書之語為六

卷維鈞益

為蒐輯編

為此書凡

四書六卷

四書六卷

四書六卷

詩二卷左傳

二卷公羊

穀梁各一

卷史記二

卷漢書六

卷漢書六

卷漢書六

卷後漢書五

卷三國志

二卷五代

史一卷韓

愈集五卷

韓愈集五

韓愈集五

柳宗元集三

卷歐陽修

集二卷曾

鞏集五卷

蕭統文選

蕭統文選

蕭統文選

五卷陶潛詩

一卷杜甫

集六卷李

商隱集二

卷考證皆

考證皆

考證皆

校刊經史頗

采其說云

采其說云

采其說云

采其說云

采其說云

采其說云

采其說云

易辨四卷

張王政著

張王政著

張王政著

張王政著

張王政著

張王政著

張王政著

詩集

倪文輝著

倪文輝著

倪文輝著

倪文輝著

倪文輝著

倪文輝著

倪文輝著

樹滋堂集

施迥淵著

施迥淵著

施迥淵著

施迥淵著

施迥淵著

施迥淵著

施迥淵著

筆末集

吳金城著

吳金城著

吳金城著

吳金城著

吳金城著

吳金城著

吳金城著

純孝錄一編

釣臺詩集 黃漁逸著

荻翁偶談 陳令言著

閒中草 沈天涯著

詩集 顧抑庵著

無何有鄉記 王無齋著

思親苦吟集 施正軒著以上四人名並無考

自怡草 沈余信著下同

杏庵詩集 沈溥著下同

學醫必讀四卷

四書擬言十卷 王者佐著下同

直隸太倉州志 卷五十七 藝文

大易擬言六卷

春秋擬言四卷

孝經擬言一卷

禮記擬言十卷

春秋考議

沈樸著

白水集

施鳴璠著

白華莊文集

沈寓著下同

煙波筆嘯六十卷

書經達意四卷

黃安國著子申續成

範蓮詩文集

李杜詩著

天籟集

沈王志著

哀弦集

妝零集

谷懷詩鈔

周大受著

願學編

沈湔著下同

遺刻詩

泊北集

黃申著下同

永嘉紀行

蘿月詩餘

雞肋集

讀書隨筆

崇明志略

朱孔傳著下同

太倉志辨誣一卷

傷寒辨

醉吟集三卷

倪宸斌著

玩心集

吳鈞著

塗說

盛希范著

春秋講議

沈辛洲著

養正篇

林逸著

吹藜閣詩稿

林元度著

戴記講議

施上治著

半村詩稿

施大智著

吟花三集

南城集

谷懷詩鈔

周大受著

蔡暉閣文集

張濟著

四書大全集解

施立著下同

春塘文集

其慎集

周南著

二山集著

何忠相著下同

二山詩存

楚辭定論

北窗隨筆

月舫集

林喬著

直隸太倉州志

卷五十七 藝文

柏蘊臯文集

柏謙著

石湖詩稿

李尙美著

中庸擬義

郭備琦著

征吉遺稿

施彙著

餘霞堂稿

楊樞著

樸牛詩著

黃挺著

南村詩文集

徐慕隆著

艮思堂詩文稿

施一桂著

起鳳堂文稿

朱炳虎著

航南漫吟

劉涇香著

延錄軒詩文集

袁夢桂著

寶田詩文鈔

楊澧著

知非集

林斗光著

芥舟詩稿

董日甫著下同

玉照堂集

問心集

郁溥著

周易本義參五卷

郁溥著

禹貢匯叅

黃中瓚著下同

春秋戰國分合圖說

詩經識疑八卷

張詒著下同

觀海樓詩文鈔二十卷

邑乘補正二卷

南園雜綴八卷

生員陸錫瑞全校

直隸太倉州志卷五十七終

直隸太倉州志卷五十八

雜綴一

志何以及雜綴也聖人不語怪而五行傳始自伏生亦周官眡祲所掌之事今冠以祥異次及紀事紀聞終於稗說兼綜天文地理人情土俗凡可考鏡得失者以次條繫而刪其繁蕪誕謾之說蓋雖識小亦貴言有物也志雜綴

祥異

太倉州

鎮洋縣附

宋咸淳七年辛未有巨魚乘潮入橫瀝河形如象知縣朱象祖縱之去是歲大掠按隋書魚如此者名建同

明洪武十一年七月四日大風有大魚入城

二十三年七月海溢漂沒民田三洲一千七百餘家

永樂十二年閏九月大風潮損禾

十四年大旱

二十年七月大風損禾

宣德八年正月太倉二十七保獲白鴈二不數日復得
白鵠一里人以獻瑞於朝

正統七年海風潮傷禾命官田准民田起科仍減額有
差時有二人各兼男女體人謂之二形子

景泰二年陸客家產瑞瓜一蒂五瓜是年朱勝三妻一
產三男

天順間龔氏女一產三男

成化十五年九月二十日地震

十七年春夏大旱蝗食禾秋大水

十九年正月七日雨水冰如瓔珞

宏治五年五月大水

六年五月大水

七年大水冒城郭舟行入市

十三年七月海潮赤如血

十六年大旱知州翟敬請巡撫都御史魏紳奏免秋稅
三之一其免米六萬九千七百六十一石有奇

正德七年七月大風穀多秕

十年大無麥斗米八十錢薪百觔錢五十

十一年三月三日張寅家天雨紅雨以甌盛之色久不變數日寅母卒

嘉靖元年秋七月己巳颶風作四面旋激雨奔注海溢民漂死無算知州劉世龍設法賑濟

三年冬地生白毛

按張采志是年正月擒圖山賊董效等俘入地震知州劉世龍多所原凡

殺獲百七十四人海軍復不靖冬見變說者謂地陰物白金色海賊相殺傷之應也

八年春夏雨秋大旱蝗

二十二年郭氏荒壘與金氏墓相去百步外各植樸樹合抱夜嘗有火如燈往來二木顛無數未幾郭氏樹朽折二豎子遇之卒死金氏主亡家破

二十四年大旱河裂米石一兩五錢

三十四年海濱張氏有白衣人焚紙臥榻前俄不見鄰家賣紙失四束榻上有蝦蟇食惡遠投者三卒在故處嘗下一佛軸收輒卷去榻褥累瓊上蓋簞火獨燒褥不及瓊簞衣篋上小孔出火衣盡亦不及篋又一家供先靈人過木主輒起觸空中撻女奴懸其衣號呼甚苦兩家無咎徵未幾倭寇入

是年春海上戰船一夕有火在桅斗中須臾散各船復聚入海海中哭聲沸又天雨如赤豆又如槌碎瑪瑙或間青白

三十六年秋遠近傳有狐夜傷人面輒迷不醒擊金鼓

徹夜不絕云妖人剪紙咒惑亂人或破之門設水盆照見輒墮得紙狐爪中置鍼

三十七年夏大雨雹大旱巡按周如斗奏蠲田糧

三十九年八月十三都毛氏宅雨血星隕如雨

四十年秋大水高低成巨浸

四十二年海魚入新洋江豕首烏尾有足形

隆慶二年元旦大風飛砂晝晦時宦者張進朝謬言選女入宮民間爭婚配至失倫太倉尤甚事聞進朝棄市

三年海潮歲三溢

萬曆三年六月颶風連旬海溢

五年劉河岸有人鋤地深三尺得四狗皆呦呦作聲

十年七月戊辰己巳大風雨拔木江海及湖水盡溢吾
州常熟嘉定崇明吳江漂沒室廬人畜以萬計嘉靖壬
午七月戊辰己巳亦如之是日俱有龍火之異前嘉靖
元年禍微輕而遠是年禍甚而狹要之六十年內所無
人知周一甲子皆壬午歲而不知干支亦無一日之贏
欠

十一年大水

十五年大水

十七年大水

十九年七月十八日海潮漲次日謠傳倭寇至城門晝
閉民奔竄相蹈藉溺死水中

二十六年大水

三十六年五月連雨四十餘日湖海水溢西南鄉水高丈餘居民逃徙

天啟三年地震

四年大水

崇禎四年七月大風穀粃木棉壞四鄉姦佃謀盡匿租中夜呼應燒田主房廬冬盡乃息十一月二十四日甚寒有微雪早見三龍掛天二十五日寒倍三龍復大見十一年八月飛蝗蔽天傷禾

十四年自四月不雨至七月水涸河底鑿井不得泉旣罷種七月忽雨傍江海田竭本力且插蒔復旱間有稻

八月中可長尺五方秀白露日下苦霧皆不實蝗起遂
赤地棉花至秋獨喬好驟生蟲五色長寸許食花葉無
遺冬米價騰貴僵死滿道次年春斗米錢千一百文民
相食東鄉有食子者遺惠祠及隆福寺集飢民千餘日
死無算稅糧急幸漕米許三之一改麥然折價石一兩
五錢按張采志五色蟲災民益絕望有衛州人見之驚
喜云彼中此蟲食萊豆至春上冬青樹結窠房土
人割取作白蠟利十倍今年蟲忽絕豈天移生東土因
佃我萊豆田畝三兩然蟲伏時不許鋤動州既少種萊
豆田入冬
俱翻種麥

是年太倉衛指揮姜周輔家雞伏子兩頭四翼八足
十七年張采家李樹上生一物如黃瓜

國朝順治二年閏六月朔夜將半天上小星散落如雪

三年六月初四日新安鎮李明之家地出血初五日俞二家地出血尤甚十一月二十七日太倉衛銀杏一株火從中出而木本不傷

六年七月十四日琅邪族人王甲於墳樹間彈得一鳥人面高七尺餘食之無害十二月二十五日丑刻大雷電

七年五月二十七日至六月初三日寒氣侵人人皆御重棉是年冬鶴王鎮鄉民見血從地湧出又東門外一村落有梅一株蛇懸死枝上者凡百頭

八年大水傷禾

十年地震秋大水傷禾歲大饑

十二年七月大風拔木飛鳥殞傷

十四年夏民間譌聞狐魅夜睡有物常自暗中侵擾以手搏之歟滅次日傷痕宛然去來如風一夕數驚鳴金達旦擾攘月餘始息

十五年八月二十三日未刻地震聲如雷

十七年秋西關外有樹懸一蜂窩大如囊可容二石十一月初二日海中龍見無雨忽西北起黑雲一片見龍二十有七附雲而行至東南乃滅十二月初五日虹見初八日雨木冰亦曰木介俗謂之樹戴孝

十八年正月朔龍見海中初四日極寒龍又見三月民吳氏雄雞生卵六月胡延光家烹鰻魚腮下肉痕隱見

州修橋課餉五字是年大旱七月初六日極寒有霜雪
康熙二年四月十六日大雨雹

四年七月朔大風海潮溢龍下麋場涇傷數人禾湮八
九里破民居二十餘家八月初四日天晴無雲黃龍見
東南

五年十二月初八日地震有聲從東南來

七年六月十七日戌時地大震六月至七月地生白毛
九年夏大雨連月高低田盡沒廬舍漂蕩無算

十年六月旱七月茜涇營兵家狗作人言

十一年夏蝗自北來旣而入海災亦不甚

十三年春夏連雨河生小蟹無數皆有尾與常蟹異逆

流西行三月小西門民蘇禹仲家畜二豕盡脫皮爪一活一死

十五年七月初旬天雨白絲

十七年正月十二日立春五鼓時州守正鞭春南天震響天忽裂四月五日申刻地震屋宇皆動六月中旬劉河城東民沈姓家牛產犢一身兩頭九月初二日十九都民楊月妻一產三男十月二十六日天雨白毛取視如雪片絲縷分明

十八年三月二十三日申刻地震有聲從西北至東南十月十五日辰刻東北天掛二龍大雪

十九年夏淫雨累月木棉花麥豆皆爛十一月初二日

初昏西方白氣亘天長數丈根有一星一更盡始散
二十一年夏雨災木棉池爛殆盡

三十二年七月十三日颶風大作海溢溺死者甚衆
四十六年夏秋大旱井泉竭河底盡拆妖僧一念等謀
叛伏誅

四十七年夏大水田中駕舟兼旬始退木棉多澹死
六十年夏秋旱

六十一年春雨木冰秋旱七月三日有大星自東南流
至西北聲如雷光如電其所經過有白痕一條如練長
竟天良久乃滅

雍正二年夏有蝗自西北向東南去所傷禾數十頃是

歲七月十三日颶風作海潮溢

五年十二月十三日酉刻有白氣一條如虹其長竟天
食頃即滅

六年三月九日午刻有黑氣一條如疋布從東南至西
北良久方散是年疫七月三日有白氣一條如疋布
七年閏七月十四日夜有微雪

十年七月十六日未刻颶風海潮大溢漂沒廬舍無算
人畜死者不勝計近海平地水深二丈餘延及內地四
十餘里十八日黃昏後忽驚呼水至男女奔竄哭聲震
天沿海至城數十里頃刻傳遍是夜月如晝空中有聲
如風雨驟至雞犬俱號州縣撫卹頗盡心力隨奉

旨蠲賑民始甦

十一年夏五月大疫死者無算州縣令地方每日冊報死者之數一日至有一百數十口之多因虔禱城隍神俾令驅疫次日死者八十人自是遞減立秋後乃已乾隆八年十二月初七日戌刻天鳴自北而南聲如轉磨

二十年大水敗禾稼

二十一年春疫

四十六年六月十八日大風潮溢

五十六年六月三十日七月二十日大風潮溢

嘉定縣

宋嘉熙四年庚子七月旱八月飛蝗入境止食秬稻或食木葉屋茅是歲亦稔

元治元三年丁丑五月民訛傳采童男女入宮凡男女年十二三以上者婚嫁殆盡

至正二年壬午民張明二家母猪生象三日而斃一都有虎有司移文萬戶府捕之一虎中矢死一逸去

明永樂三年六月淫雨歲稔

十三年九月二十日隕石

縣民周仲叔見空中白氣一道來自西北有聲如雷墜於

寶山之南奔往視之一黑石耳

正統二年寶山有虎成羣爲害凡傷六十五人事聞詔下襄城伯李隆遣吳淞千戶王慶縣丞張鑑捕戮之

景泰三年冬大雪四十日始霽

六年閏六月十二日晚大風雨

天順五年七月五日夜大風雨崇明嘉定海潮衝決溺

死甚衆

照明
史增

成化十七年歲大稔

宏治七年潮溢平地水五尺民多溺死

八年五月水歲稔

十一年六月十一日申刻水湧邑中河渠池沼井泉皆

震盪湧起三尺移時乃定

十六年四月桃枝生華似木棉花狀擘之色白而無核

正德二年夏麥秀三岐

四年夏地震海水沸七日大雨歲大稔

五年四月大疫秋大雨歲稔

十年四月十一日有虎哭至婁塘永壽寺傍十二日至西門傷四五人逸去

十二年有黑鵬翅廣丈餘立如人形旋爲大場里民搏殺

十六年正月朔白氣亘西南十月十六日星隕

嘉靖元年七月二十五日大風雨歲大稔

三年歲大稔十月十六日龍壞民居

有兄弟三家聯居
中爲兄室兄素

友是日人牽悉
拔去左右無損

七年旱歲稔

八年六月蝗

十三年十月八日夜星隕如雨

十五年霖雨

十八年閏七月三日颶風歲大稔民大疫

二十一年七月朔日食晝晦星見

二十二年大旱無禾

二十三年大旱無禾石米一兩八錢

二十四年大旱疫

二十八年大旱

二十九年六月龍闕

十三日二龍闕於真如十四日闕馬陸十五日復闕轉之西北其一

似不敵而下墜遠望之細如繩竟不知其所至

三十一年高橋鎮民家一雞忽作人言云燒香望和尚
一事兩勾當後倭至羊山燒香大肆焚掠

三十二年三月十五日赤虹抱日是日倭寇寶山

三十三年三月地震生白毛長三尺四月至七月大旱
七月十二日怪風壞花禾

三十四年四月十八日入都黃家港水赤色如血長丈
餘廣六尺逾月始復故十一月雨豆色微紅味辛類赤
豆而小

三十八年早歲大稔

四十年霪雨歲大稔

四十一年大水疫

隆慶六年六月龍見北鄉

萬歷七年七月颶風民大疫十月四日並出晡時輒相
摩盪匝月方止

十年七月颶風歲大稜

十一年正月民大疫

十五年正月木冰五月大雨無麥秋颶風無禾

十六年春淫雨夏秋大旱疫

十七年夏秋大旱歲大稜

十九年七月十八日海溢十九日民訛言訛傳倭至城
門晝閉民爭竄至相枕藉死

二十一年大水

二十二年民饑

二十四年水溢歲稔

二十五年水泉湧溢

二十六年寶山獲水獸馬首鹿角牛蹄色深青

二十七年棉花大稔一株有收二十兩者

二十八年九月地震

三十年南鄉民田麥秀兩岐

三十一年大稔棉花最者畝可四百觔

三十二年十一月九日地震有聲

三十六年夏大水

三十七年五月大疫八月大水

三十九年大水六月龍關於黃渡浦

四十五年七月白氣亘南方長數丈廣數尺頭銳而東
指狀如刀月餘乃滅占者謂蚩尤旗

四十六年夏二十四都蟹穴流血

四十八年七月四都民訛言五月初三日開傳四都民
小阿三生子知縣卓邁疑其偽召懲之居人遂訛言將
剿此一方民至是爭相逃竄北渡劉河風猛潮急溺死
男婦六十七人

天啓二年西門外雨血

三年三月十三日地大震十六日復震生白毛十二月
二十一日復大震

四年正月朔城隍廟災五月霖雨龍見於江灣鱗甲頭角俱露

六年七月朔大風雨海溢歲大稜

七年九月吳淞遊兵余勝家雞作人言云早也殺晚也殺橫豎要殺

崇禎元年冬至前一日龍見於東海凡數十

二年正月四月龍見於東海夏秋大水十月地中生犬大場北民家聞地下有聲掘之得雌雄各一

三年春民饑

十一年旱蝗

十四年正月六日大雷電雨夏秋大旱蝗歲大稜四月

至七月不雨河底鑿井不得水飛蝗蔽天七月二十九日夜黃渡大雨及晨蝗積數寸已又生五色蟲狀如蠶視人若怒捉之觸手皆爛食苗棉葉殆盡

十五年春民大饑大疫

國朝順治二年春民婦一產三男凡二家閏六月十五日夜月食既衆星南流

四年歲大稔

五年夏大雨赤氣亘東方廣福鎮巨人見長丈餘身首皆赤衆逐之二三里始滅

八年二月十八日雷雨晝晦夏大水

十一年五月旱六月二十一日大風雨海溢

十四年六月四日大雷雨明倫堂鼓自移儒學門外

十六年正月龍見霖雨二月二十九日夜鬼嘯三月二十六日晚星隕東南鄉有鳥數千營巢四圍戶牖如城闔土人毀之計柴三百擔明日復營所謂烏城也主兵十七年九月五日八都有虎噬豚犬至黃家灣傷人數日逸去

十八年正月龍見二月霖雨夏秋大旱六月五日夜民家門戶見朱白塗堊各形或直或曲或鈞圈或字形及符篆花艸雲物拭之不滅秋無禾

康熙三年旱七月二十九日海大溢歲稔

四年春民大饑秋海溢歲大稔

九年五月淫雨水溢七月颶風歲大稔

十年夏秋大旱九月二十七日大風雨歲大稔

十一年七月大雨雹八月二十二日夜雷電江灣民見空中二燈前導一神緋衣乘龍隨甲士數十燈時高下有頃繞一新構火之明晨視燈低處花禾悉壞新構竟未燬

十三年二月李生王瓜六月十七日怪風八月八都有海犀大倍於牯高如駝角長五六尺逐之入海十月淫雨

十六年正月朔震雷五月三日雨冰

十七年五月三日雪夏大旱歲稔

十八年八月蝗歲稜

十九年正月十五日夜月赤無光春民饑夏秋霖雨損
棉豆大疫

二十三年棉花大稔九月廣福有虎傷一民一僧夜逸
去

三十二年夏大旱鹽鉄練祁並涸歲稜

三十三年夏大水歲稜

三十四年春夏霖雨無麥七月有巨魚鬪於海聲如雷
其一死者流入小練祁虎首人身長丈餘腥聞數里歲
稜

三十五年六月朔颶風歲大稜冬疫

三十六年春夏大疫

三十七年四月二十四日紀王鎮雨雹

三十八年八月二十日雨絮如棉花衣大者形如蝶

四十一年五月海溢

四十四年七月颶風歲大稜

四十五年春民大饑

四十六年夏大旱歲大稜

四十七年夏霖雨五月十七日地震

四十八年夏疫

四十九年正月朔虹見東方

五十四年春夏霖雨七月二日颶風歲稜

五十七年四月紀王鎮民田麥秀三岐七月二十日颶風八月雨歲稔

六十年正月二十六日嚴寒夏秋大旱歲稔

六十一年二月十二日一日三潮二麥大稔夏大旱六月十四日黎明白氣亘天七月四日昏時大星西北流雍正元年秋大旱

二年春民饑七月螟螣十八日颶風歲稔

三年春夏民饑八月七都禾秀三穗棉一蒂三花

四年八月淫雨冬大水

六年八月螟

七年秋婁塘民田生嘉禾一莖八穗

九年六月八日龍見沙灘橋壞屋

十年七月十四日龍見十六日夜颶風海大溢

十一年春民大饑夏麥稔民大疫六月旱歲大稔

乾隆元年歲大稔

寶山縣

國朝雍正十年七月十六十七日兩晝夜東北颶風海

潮溢岸丈餘

十一年疫癘流行

十二年歲大稔

乾隆三年八月十六日大風雨海潮溢岸數尺賴護築

土塘捍禦田廬人民無患

四年歲大稔

五年歲大稔

六年七月十八九等日大風雨海潮溢岸丈餘賴土塘捍禦田廬人民無患

八年歲大稔

崇明縣

宋延祐三年三月紫芝產於西沙崇真道院第三門瓦飯間

元元貞五年七月暴風雨雹海水泛溢民傷無算
大德五年秋風潮陡起自崇明至真州溺死八九
至正二十三年瑞麥產於東沙一莖二穎

明洪武三年風潮大作漂沒廬舍民大饑

八年西沙麥秀兩岐

十一年七月十四日風潮大作民居漂沒有大魚入太倉內河

十七年秋颶風潮湧

二十三年七月海溢沿沙廬舍盡沒被溺者十之七八
永樂十二年閏九月十七日風潮大作
十四年七月二十四日潮溢人畜盡溺

正統元年七月二十一日潮溢傷禾十月初一日潮復大溢

五年瑞麥生兩穗三穗不等東西沙皆有之里人多賦

詩以紀其勝

九年七月十七日烈風暴雨竟夕拔木發屋海潮大溢
十一年縣治火知縣王銳欲更新忽海中浮巨木四百
餘株人以爲瑞

天順五年七月十五日夜風雨大作潮湧尋丈

成化十六年十二月二十一日長星見南方二夕而滅
是後海賊入寇

十八年九月雞生卵碎之中有獼猴大如棗

宏治十一年六月初六日河渠震高湧數尺城鄉池沼
溝澮皆然良久乃定

十三年六月海潮赤如血

直隸太倉州志

卷五十八

雜綴

祥異

六

十五年六月二十一日鄉民顧孟明家雞抱一物首類
猴身體手足耳鼻皆人狀長四寸有尾振動無聲知縣
劉才驗得其實具申於上御史馮允中述之以聞

正德二年東沙麥秀兩岐

三年霪雨浹城市水深三尺可通舟楫

七年白米每斗錢三十七文

十一年六月海潮暴至平地水深丈餘

十二年民大饑

十三年大潮沒禾稼六月市不用青銅錢只有舊小銅
錢

十五年十一月十六日天鼓鳴有火自西南流入海光

燄燭天至冬桃李華二麥穎

嘉靖元年七月二十五日颶風大作潮湧丈餘

十八年閏七月初三日風潮大作

二十三年歲旱饑次年大旱

三十八年冬無冰

隆慶二年七月大風暴雨樹木皆拔

三年六月東海見大魚背高如山日光如月不能竟其
尾數日而沒閏六月十三日至十六日風潮大作地水
深丈餘

萬歷二年七月十四日夜風雨拔木公廨傾民居盡塌
三年六月初一日颶風大作洪潮衝突十三日風潮繼

正素大集少志卷三十一
作

十年七月十三日風潮並作漂沒民居溺死甚衆

十七年旱魃爲虐赤地無獲啼號載道死者甚多十二月初一日城中火自西北隅飛燹突至縣後轉東南始熄燒民房一百四十三家

十九年七月十六至十九颶風三日海潮暴溢八月十六日潮漫湧禾稼漂沒民大饑

二十二年驚傳有狐或如羊犬狀或如煙霧狀抵暮入民家遇者輒迷童稚尤易眩里中擊金鼓禦之達旦不息或云妖僧剪紙爲之後民家設水盆於戶狐入戶多溺取視之果得紙狐爪用鉄鍼爲祟月餘嚴逐妖僧始

息

二十四年三月十六日鹹潮傷麥八月十四日大風潮

二十六年潮災秋無禾

二十八年九月二十五日地震廬舍搖動有聲

二十九年無麥

三十三年無麥

三十六年大雨數月

三十七年七月十七日颶風潮溢八月初七日風潮復
作

三十八年五月初七日風雨潮汎溢

天啓元年十二月地震器物俱動屋宇如掀

七年七月二十五日東北風起海潮大作至四五日大西南風起方退十月初五日午時東北風又作潮復大湧

崇禎元年七月二十三日颶風作潮湧冬至前一日有龍數十見東海

二年五月十二日白虹見西南方六月初三日風作大潮七月又大潮八月又大潮海儿三嘯有小鳥千百成羣所過飛聲如雷十二月堡鎮賣糕趙家生一猪前二足後四足一首二尾背又生一足向上

三年春大饑三月十六日夜大雨味鹹苦麥沾卽死後復大雨乃蘇六月至八月潮溢民饑

四年四月十三日午後有星自東南流至西北而隕又
彗星見自東至西七月十八日午後有虹自東貫西八
月二十八日颶風大潮倒塌圩岸田穀生芽至初五日
風止潮方退

六年五月初五六兩日有青虹十數自東至西其長竟
天是月颶風不息海潮泛溢六月風復作二十五日大
雨雹七月二十五夜有白虹貫天至二十七日沒八月
十五六兩日颶風潮湧

九年六月大星晝見

十年因變燬縣署知縣李招鳳駐察院蝟忽叢生設醮
禳之

十二年八月有蝗自江北來食禾如刈

十三年八月螟螽災惟赤穀早稔晚糯不遺種民大饑
十四年螟復降石米四兩村落爲墟二月二十五日有
月十數至夜墜者八九大如碗光彩五色至地如錢三
月初三日兩日並見

十五年大饑堡城一姬名秦痴婆殺隣稚以食又沈安
狀黃姓食已子事覺姬爲衆稚殛死黃斃獄四月十一
日鬼夜哭城鄉遍聞逾時方止是年大饑大疫寇復至
斗米九百文大麥每斗五百文小麥七百五十文穰麥
八百文米衣二百文豆屑每升四十文豆渣每斤十二
文時錢小薄每千值銀三四錢

十六年七月雨白毛九月縣署中忽聞外庭班聲大震探之寂如十一月十一日大霧雷電

十七年無麥楊家河有季姓者馬死剖腹得一物大如碗堅如石五色班駁不可名狀有孕婦產兒僅五寸連產不止皆宛轉能啼至第五兒忽作細聲語曰勿驚予兄弟十三日偶來相托將福汝家乳不繼可飼以餅餌產竟數果十三怪而投之海後亦無恙六月二十二日海潮大溢城北季姓馬生卵三枚大者如升質色如雀卵紅白相間重三觔二兩小者觔許

國朝順治四年居民朱某家犬生六足

五年戊子民家雞翼中生爪

七年龍見仙景沙兩目如燈風雨陡作所過赤地八月十五日洪潮大溢九十兩月再溢

九年六月十五日鹹潮陡作各沙告災

崇潮冬鹹春淡是夏大旱水涸

故六月鹹潮自萬歷二十四年三月以來于茲再見秋木棉每觔價一錢種多者因以致富

十年六月鹹潮猝至穀盡死忽生海蜃蜃蜃

十一年六月二十一日東北風大作潮高五六尺

十二年各沙洪潮三溢

十四年冬雷梨花開

十五年七月初六日雷震毀北城二梁八月二十二日地震十月初一日潮溢塘圩衝潰

十六年正月霖雨連旬二月終大雪累日三月初四日大雨雹晝暝四月二十九日南關外市麴家地中湧血尺許遍灑牆壁嘶嘶有聲後八月鄭成功至是地焚掠殆盡其家首被害十月大安沙民張姓家雄雞生二卵未幾是沙撒十二月十二日大燠十三日午時雷電交作

十七年八月二十三日碧天無雲平陽沙砦頭港有龍自天而下海中擁出一物大合抱長數丈忽接龍尾龍體通白頭足如牛鱗甲晃耀二鬣長丈餘攝一人至樹頂旋墮草中得不死十二月初五日虹見

十八年正月朔極寒海中龍見四日復見自正月至四

月連雨夏五月至秋大旱

康熙元年十二月初十日木介降

二年四月十六日龍見暴風起西北大雨雹

三年五月彗星見東北長數十丈亥升辰沒後復昏見
中天其芒東指八月初一日潮大至三十日潮聯溢五
晝夜是年龍騰白蜺沙冰雹隨至

四年六月二十八日颶風猛雨大潮八月淫雨浹旬潮
復溢五年六月初一日十四日兩汎潮溢十月初四日
大雷雨雹有白氣經天如燈逾時乃滅十二月初一日
地震初八日復震

六年赤穀死三月白氣經天逾月乃散南營沙降一死

龍民往取之見有大蜂羣簇相距數步入面血出遂不敢取後爛盡僅存鱗骨又競取之多取入舟水即湧起惟一鱗一角則安然攜歸焉小鎮豕腹中生卵

七年正月初七及二十兩夜有太白星在犁星西即參星俗

名犁星至二月初七夜不見地震六月十七日地震

八年南關外廩生沈仲彝家產靈芝十月二十日大燠

夜雷電

十一年八月二十二日夜地震秋有蝗悉投海死不爲

災

十七年四月初五日地震五月十九旱至七月十九日方雨又地震七月永寧沙出兩頭蟲首尾皆喙齧棉如

刈時大旱三月不雨

十八年八月飛蝗蔽天自北而南不入境

十九年大疫六月初九日龍見永寧沙從新開河經箔高排定四沙入海十二日大雷雨至八月方止二十六月龍起石家灣至享沙八月初三日颶風潮溢閏八月大疫

二十年六月初六日保定沙至張盈港潮湧丈許

二十二年正二三月連陰雨鹽價每觔六分

二十三年某月一日三潮

二十六年五月大雨月餘七月初十日午後東風驟發大雨潮湧樹木盡拔

三十五年四月張網港獲海魚頭戴一角遍身鉄色有
鱗狀如穿山甲至六月初一日風雨大作初二日夜半
洪潮泛溢

四十四年秋雨兩月餘

四十六年十一月初三日黃昏天鼓鳴異光照地

四十七年秋淫雨百日潮大湧

五十三年十二月初三日雷電大雨

五十四年九月十五日潮大湧

六十一年夏旱花稻盡枯七月初三日初昏有白光迸
裂自東至西轟然作聲逾時乃滅

雍正二年五月高橋洪網船內獲一介物身似鼃人眼

正德十一年州志 卷五十八
三
鴨足約重二百餘觔里人昇至總鎮署食以饒首哂哂
有聲諭釋之比入海噴水高數尺屢作回顧狀乃去六
月初蝗蝻自西北來七月十八夜大潮歲饑

五年五月瑞麥秀兩岐甘露降濃厚如飴八月秋地震
十二月二十四日紫霓圍日如梅花

十年秋七月十六夜海溢

乾隆元年新鎮民家牛口吐小牛一隻長二寸許

六年七月十九日龍見於堡鎮鱗中有火燄飛入鎮南
七年遊擊顧金策署中長至日開白牡丹宮簷張鵬翀
有詩紀其事

十二年秋七月十四夜海溢

十四年小團沙河內有一大魚長十餘丈

二十年霖雨連旬七月十五六兩日風潮大作

二十一年大疫

二十二年堡鎮南生三足牛前一後二

二十三年夏卿雲見地上奕奕有光

二十五年向沙區陳天衢田中麥秀兩岐

五十九年蟲傷晚稻不成災六十年

嘉慶元年春麥雨岐三岐

直隸太倉州志卷五十八終

直隸太倉州志

卷五十八

雜錄

祥異

三

直隸太倉州志卷五十九

雜綴二

紀事

太倉州

鎮洋縣附

元

張采志云朱清盛時其子顯祖塞鹽鐵塘建宅其塘在市者築爲衢路人無敢言朱氏廢分鎮萬戶李某建鼓樓於太倉塘北泰定三年都水監僉事李居仁毀樓鑿塘使通天歷元年始尋舊蹟張士誠築城凡塘在城者成市惟學宮西名鹽鐵港猶有數十丈河形見在宏治十三年三月專管江南水利工部郎中傅潮開浚城中

舟楫可往來塘在州境者南接古塘北接七浦塘凡五
十里

又云朱清盛時士人謁之報用泥金單帖輒爲銷金匠
鬻去值五銀

又云大德七年下朱清張瑄獄籍其家子孫流遠方婦
女沒官江浙平章托歡發遣家屬賂以金珠不受先是
兩家多貸民錢既籍凡已償者皆按券徵民不堪同知
中政院事吳鼎力辯始免

明

又云湯華衛百戶建文四年靖難師逼太常寺卿黃子
澄受密旨募兵勤王約蘇州知府姚善航海善不可子

澄至太倉華等執送京師案吳仲超志列子澄監司謂其蒙害地義不可受故紀事從湯華先是子澄過沙湖有富人張大年少任使或說令執獻可富貴大年曰如此富貴吾不願也後大年爲讐誣子澄黨下獄子浩訟冤十八疏獲宥乃百戶華未聞殊賞枉道我地醜適爲大年竊笑耳浩精捕賊卽俗所稱夷亭張小舍

又云永樂七年命太監鄭和王景宏等充正使統官兵二萬七千餘人駕海舶凡四十八往諸蕃國頒賞秋九月自太倉劉家港開船十月至福建長樂太平港十二月於五虎開洋張十二颿順風十晝夜至占城國

又云永樂二十二年八月十五日詔下西洋諸番等國寶船悉停止如已在福建太倉等處安泊者俱回南京

每歲九月婁江口發舟回日仍泊婁江口故詔旨云然

又云通番事蹟石刻在劉家港天妃宮壁宣德六年正使大監鄭和副使太監朱良都指揮朱珍等立辭載永樂三年舟師往古里等國時海寇陳祖義等聚衆三佛齊國抄掠番商生擒厥魁至五年回還永樂五年統舟師往瓜哇古里柯枝暹羅等國國王各以方物珍禽獸貢至七年回還永樂七年統舟師道經錫蘭山國王亞烈若柰兒負固謀加害賴神顯應得備遂生擒其王至九年歸獻尋蒙宥歸國永樂十二年統舟師往呼嚕穆思等國有蘇門塔喇國僞王蘇幹喇寇侵王遣使赴闕請救就率兵勦生擒僞王至十三年歸獻是年滿剌加國王率妻子朝貢永樂十五年統舟師往西域呼嚕穆

思國進獅子金錢豹錫瑪阿坦國進麒麟番名祖喇法
并長角馬哈獸穆古都蘇國進花福祿并獅子什喇阿
國進千里駱駝并駝雞瓜哇國古里國進縻里羔獸方
物皆前古未聞王各遣男弟捧金葉表文朝貢永樂十
九年統舟師遣呼嚕穆思等各國使臣久侍京師者悉
還本國各國王貢獻視前益加宣德五年仍往諸番開
詔舟師泊祠下思昔皆神明護助勒文於石

程穆衡州乘志備采云張嵩字廷鎮其先爲順義人曾
大父永從文皇靖難有功陞太原前衛副千戶洪熙元
年改太倉衛遂家太倉永生二子長勝次能勝襲官無
子能嗣生子傑傑子嵩其官俱封武略將軍嵩定崇明

施鈕亂及徽州寇江彬縱其黨魏虎入京倉橫索嵩適轉輸在京猝虎擲於地毒拳毆之虎哀號丐命尙書遂縛嵩明日彬敗得免

張采志云陸孟昭爲刑官一日錄囚獄中見重囚囊二木偃臥不能動鼠夜嚙血涔涔孟昭憫之買數貓置獄鼠患頓息囚德之自是獄中畜貓矣

又云陸安甫在浙藩至紹興知府尤興謁長跪公偶他視不卽禮興恨謀中公因遽請曰聞大人侍吏索下縣銀十兩敢告公曰乃爾卽簡先從我篋興佯不敢公立命簡無所有旣及侍吏篋得一囊解視則青州白丸與惶恐謝公善諭遣寮長佐皆不平謂公當奏白布政使

雍泰素銜公獨立至大計遂譖公失防侍吏報罷士論譁然

又云姜夢賓爲寧波太守述職以方遜學集賢見某冢宰門者不報候旁舍人問所贅以文集應旁舍人曰不得入矣因歷數某守見金幾多先生拂衣去復任未幾吏部別選代先生聞報卽日納印綬歸後以公論不容陞福建參政堅不起嘗語人曰吾受一人財終身屈此人下矣

又云周文襄巡撫時以丈量田地屬戶部主事何寅寅日耽酒憑里胥輩開紀稍多分毫謂之積出其不及原數仍註量同更不開虧欠一項如太倉城中軍民居址

街衢河道俱作納糧田地量至北郊二十七保多出田畝若干將內二頃九十三畝有奇撥與大倉學收租蓋縮於城市而伸於郊墟故有此積出非原額之外田也姚希孟公槐集請謚狀云任環長治人山東參政贈光祿卿繇進士爲令歷廣平沙河滑三縣以循良徵至京因有妹嫁藩宗循例貳守蘇州時嘉靖癸丑倭寇繇越入吳犯太倉勢張甚督無以屬環環募兵訓練與之同寢食或累日粒米不入口或露宿泥淖中未嘗稍自異戰罷必身爲殿涉津梁一卒未渡終不先行又書其姓名於腹背手足曰死吾職也茲用以識庶得收葬焉凡出兵皆殊死戰如黃浦華橋之捷膚功不勝書甲寅夏

寇抵蘇郡焚掠倍慘男婦爭入城城閉相蹂踐死環傳
令開門納之全活二萬餘人賊亦逡巡退去環又集諸
路兵於陸涇壩其最勁爲銅刀手偵知賊情以勁兵伺
其來誘而敗之再戰再捷黠賊皆授首倭不敢窺蘇矣
嘗被矢創甚成疽血戰自若有誓報其子曰不幸有變
臣死忠妻死節子死孝成就一個是而已其成功等於
宋之虞允文按其志節張睢陽之流也論功歷陞副使
參政蔭一子世千夫長建祠於郡城賜額錄功擬謚忠
襄臨難不忘國又擬貞桓憂國忘死又王世貞直隸太
倉人南京刑部尙書贈太子少保初成進士爲刑曹郎
與李攀龍諸子以文章相頡頏又負意氣自豪楊忠愍

効分宜論死世貞爲經紀身後杯酒間語多侵嚴氏嚴氏弗善也備兵青州父忤以封疆被僂伏草土中幾十年凡三年不茹暈不御室嚴氏敗以薦起游歷中外鎮鄖陽涉卿寺卒以南司寇歸世貞才名滿天下江陵相雅知之世貞頗自引匿後王文肅以奪情事抗江陵世貞又與交相倚重著首輔傳詆江陵頗刻然胸無城府寬厚長者也詩文跌宕馳驟後起者或訾之終不失爲大家明習掌故持論娓娓其惜其有良史材未竟厥志然超濟南而踵北地之後稱一代文人有餘矣擬謚章

懿

出言有章
柔克有光

又擬裕文

強學好問
剛柔相濟

以上禮部尙書黃

卒不果行

張采志云嘉靖三十二年四月倭寇登南沙盤據經年
諸沙罹害者民施珽率兵力戰死之陣亡千人兩院褒
珽義勇立祠於太倉城南普濟寺右隅其後子孫不肖
祠鬻他姓焉

又云州人朱蒙字昧之別姓桂精茶理先是芥山茶葉
俱用柴焙蒙易以炭益香冽又創立諸製法茶遂推芥
山第一今山中肖像祀每開園日必先祭蒙其書法亦
名家

鳳里志云龔瑞周以甲寅倭寇與張振之同爲寇所執
令擔張擔龔不能忍語多嘆喏張指地曰此豈若死所
耶龔終恨恨然寇飲輒令歌張取所憶詩歌之語言動

止輒以身翼蔽龔一夕令漁張以席置池中奮手擊水
魚躍而上寇喜張又睨旁舍有釀方熟者取以飲賊大
醉遂與龔遁去其後龔偃蹇仕路終杞縣令歿不能殮
張經紀其事甚悉龔蓋孤憤人始教定州抗州守入簾
抗主試司大理抗理卿後令杞抗御史其故強直自遂
者張曰龔先生不能忍寇孰可忍乎

顧成志邑乘小志云張東林士鏗性剛直有膽氣兄銓
爲郡掾吏士鏗從相囚廉知一老僧坐盜冤白於太守
出之後游平湖中奇疾卒斃遇一僧一劑而甦訊之前
所白老僧徒也是夕振之生於家

金鵠縣志云萬歷末年景德鎮密化一衲牀極精巧守

上者擬入貢時王在晉爲江右藩長命昇之至立碎之
衆大駭公曰此偶爾幻化非假人工今入貢異日再徵
何以爲繼且非常之物近怪不毀何爲衆乃服

又云黃子羽翼聖狀如婦人好女嘗攜妻王登莫釐峰
遊天台度石橋巾車道裝宛然神仙中人後爲新都縣
令城守之日乃矯厲卓犖爲奇男子王亦慷慨致死親
爲子羽畫死守策率媼婢蒼頭周呼淬厲躬爲爨以食
守者城得全無害抑亦可謂奇女子也王編修衡之女
又云崔石衣名蘿居南關少孤力學入郡欲謁縉紳意
無定所阻雨僧寺忽然風吹旛偃牆角以手揭之見楊
維斗三字殊不解適見二人過寺相語云此間離楊解

元居不遠崔聞之卽冒雨往及至楊所蒙袂輯屢闌人屏不與通良久一老者出復懇之引入書室見西賓方食崔踞上座一飲數斗略無謙讓楊聞大奇之亟出見語甚契隨命二題援筆立就楊益喜遂收門下每課一藝擊節嘆賞剡於學使者獲雋童子試并贈貲完婚焉又云崇禎間陸遜之字子敏以諸生膺薦出知綿州嘗平反一老囚乃蜀府內江王某人稱七殿下者乳媼之夫也自是陸至會城王必召飲極歡後罷歸王以名馬白金爲贐陸却之祖帳言別席半引陸入密室出丹訣十二頁上有太祖玉璽授陸云公廉吏家貧得此法足矣慎勿妄傳書係鐵冠道人所遺蓋當時隨太祖攻采

石缺糧道人設爐鞴燒金數萬士卒賴以成功蜀王乃太祖愛子好道而遠封太祖特以授之故明時王府惟蜀最富每代擇子孫中好道者僅許授一人其書所載止有五轉每一訣下劉誠意有細註凡應用器皿火候無不備悉又贈以丹銀十兩陸不好道漫將原銀鬻物市皆爭取鬪然曰此七殿下丹銀每兩加銅一錢尙爲精鏐其後陸以書歸崑山顧某聞而索之則已先爲酒人方髯取去亟往覓而髯已病篤不能言旦遂死止一女遍搜其家不得或云方死焚衣書在衣領中已付烈焰矣丹術迄今無傳

又云崇禎十四年歲大侵官紳會議救荒策張受先磨

糶作餅置袍袖中日哺衆飢久議不決將散去采出餅各遺一枚啖之曰民命呼吸今日當速竟其議其念亟桑梓類此受先素以搏擊豪強爲名於衙蠹門役虎而翼者尤繩束不少貸黨中有陶千斤數人尤桀黠受先屢以法中之積怨無所逞先是受先與當事謀祖常平倉遺意出納收息以活貧民司倉者不無染指羣小借此以誣受先會

王師初渡江里中亂民鬪起五月十七日受先方臥起忽有數人求白事受先出不意短衫禿巾迎之數人者仰謂曰有大案未了可至州辨狀卽牽之走甫出門以兩木夾之行自南關至州治前慘毒備至又擁至城隍

廟鐵石並下受先已垂絕又懼其甦也用利錐自耳旁
及腰腹下錐入數寸汲井水沃之繫索於項曳地而走
頭擊地有聲至演武場作坎埋之復欲持鋤斷其首旁
有不平者呵之乃止數人者氣盡各散去一沙彌過之
探鼻微息乃毀寺中棹楔與好義者昇歸其第得更生
扁舟亡去閱一月而此事微聞於上臺移檄至州浦君
舒牽爲首二人斬於市人人稱快也案南郭先生之被殺
不死聞先生初第時夢神以乾坤正氣鉅榜賜之及被
禍所昇匾額字如其夢豈非天哉先生於吾輩以名節
自持所爲活人事無算里中有冤輒執鞭香詣其第求
質成凡諸良善仰之若父母而卒受禍之酷如此自此
吾鄉諸縉紳搖手相戒不敢以是非爲任士氣之不振
所由來久矣先是江右艾南英薄游吳中遺書規之曰
古之聖賢莫不廉於持已勇於任事然亦有廉於持已
勇於任事而不至於聖賢者何也知人之明先事之哲

不如聖賢耳蓋不肖之鄉有鄒南阜先生者以直諫清節聞天下居鄉受訟牒必值其不平者諍之有司然而門生食客山人星相族子狡奴時從中上下其手先生勢不能不寄耳目焉有司從而實之應且憎矣故南阜先生之謗不少及今捐館以宮保總憲而家業不滿千金然後南阜先生之心跡明不肖之鄉先時又有羅近溪先生者篤交游明理學其講學弟子有緩急千里來叩必以其身任之或諍之撫按或諍之他省撫按然終不免以其熱腸受謗不免以廣交受欺至先生捐館家貧不能具棺而後近溪先生之心跡明夫兩先生捐館家貧廉於持已勇於任事矣而不能至於聖賢者知人之明先事之哲不如聖賢也今日老父母為鄉紳則上侵太倉州尊之權老父母為臨川若有欲為老父母所為者則將任之乎禁之乎任之則不可禁之則不恕然後知聖賢於學問之際兢兢乎難言也書言如此語云噉噉易汙曉曉易缺先生立身太峻任事太切卒以義倉事橫被謗誣身罹毒虐于子之言豈非不幸而中與

又云廣文楊繼生蜀人年少領鄉薦游京師國初秉鐸吾州是時蜀方亂楊之妻子皆在蜀已無可奈何矣

而婁之盛泰昭方釋褐令陝之略陽略陽故蜀之襟喉
楊以杯酒屬之曰倘至彼中得吾家消息幸勿靳片紙
盛且領之赴任後偶以事他出見一婦人匍匐道左物
色之果楊先生內閫也卽飛書廣文婦人則嚙落二指
作書裹之以寄楊得之慟卽以金授來足使其僦車南
下會南宮期近楊束裝且北舟至京口有舟剝然而南
詢之則楊夫人也相失十餘年出入萬死而猝遇於兩
舟之偶觸於是相持大慟謝諸同行者偕夫人而南後
不復應公車

又云雲間夏瑗公允彝一子名完淳字存古 國朝
賜謚忠節年方典謁天才俊發所著詩文幾駕瑗公而

上之瑗公殉節死存古時時慷慨悲歌會以吳勝兆事牽連下獄而吾妻王明先考瑗公門下士也往探之存古泣謂曰一死無恨惟室中婦方姪今以累君明先領之潛走雲間伺其媿潛抱以歸而明先亦以他事敗其友徐方平復抱之歸存古死此子卒賴兩人以全明先爲人不足道而於此事書之蓋不沒其實云

又云周澄庵式篤行君子也舉孝廉聞趙我完以海案牽連將逮鞠省中式先往直引趙者甫至亟詣其所詢之曰爾識趙公否其人云實不識也式曰不識何爲引之徒累趙公爾終不免何如從吾脫之其人唯唯徐云我同死誰爲我殮式許諾比就鞠遂反前詞趙得釋其

人死式捐金殮之而終不令趙知其事

又云王介福字受茲由恩例得官至海防道乙酉

大兵南下或諷之曰婁東汝故土若以戶籍獻鄉里可保也受茲如言詐稱使者婁民迎入視事括民間金三千及輿地籍以獻當事者怒其偽持檄苛歛民財提掌州事王某及州十八鋪里正相質對受茲以上下得不死而王某幾不免賴百姓號呼乃得釋

國朝

又云州守白公督工河上單騎巡行一日值天晚欲借宿民家思民間俗忌不利官府到家徘徊道旁而民亦閉戶不納適金粟庵僧來迎乃止於庵明日以白金一

兩酌僧於是民皆願公來宿而公以布帳隨身竟露栖
矣

又云順治十二年潘劉河工將半日在申酉忽有白雲
三股從東南來瀾漫蔽日風霾大作河心起白霧對面
不見登高望之如大水竟河河中人以爲雨也皆起就
岸而岸上霧獨少竊怪之今思大水竟河者河開之兆
也而風霾大作霧氣腥臭此非吉徵數日後直指李公
森先被逮

又云王相國挾有古錢直不貲一日李相國光地索觀
命奴捧之歷階而上忽失足傾跌而碎李不覺失聲而
王怡然不動李每舉以稱王之量

又云吳駿公偉業連舉十三女而公子暲始生時唐東江孫華爲名諸生年已及強立矣赴湯餅宴居上坐駿公戲曰是子當與君爲同年唐意拂後戊辰暲舉禮部而唐果同榜事亦奇矣

又云里民錢三少孤徒手無藝依兄朝陞居朝陞印佛像爲業雍正間賣紙牌事發將逮三曰母老需伯兄藝養兄出如吾母何亟謀匿兄而以身代州守江之煒邑令唐尊堯廉知非實命改供三堅不動坐法譴泣與母別慷慨就道戊天津乾隆三年遇赦歸

嘉定縣

朱

程國棟志云嘉祐間顧涇港海口有一船桅折風飄泊岸船中三十餘人衣冠如唐人繫紅鞋角帶短皂衫見人皆慟哭語言莫辨行則相綴如雁行有傾自出一書乃唐天祐中告授新羅島陪戎副尉又一書爲上高麗國表亦稱屯羅島皆漢文字蓋東彝之臣屬高麗者時贊善大夫韓正彥爲崑山令召其人犒以酒食爲治桅造轉軸教以起倒之法其人皆以手捧額而謝船中所_有諸穀惟麻子最大如蓮荷土人種之初歲不異後乃漸小如中國者矣

元

又云八都人張瑄少無賴爲盜卽能分部曹伍指示抄

掠爲海濱患已被獲浙西提刑洪起畏夜夢錄囚十八
人中一人忽化爲虎寤而異之質明視所解盜數與夢
合而瑄貌特偉洪因貸勿殺瑄去仍出沒海上不可蹤
跡廷議以宇內多故姑事招徠瑄旣就撫同崇明朱清
授官令率其徒屬隸提刑水軍宋亡從宰相入見元主
拜金符千戶時方輓漕東南以餉京師而運河梗塞轉
輸甚艱至元十九年瑄上言海漕事試之頗驗元主注
意任之初運可四萬石漸益至三百餘萬而風濤飄沒
歲亦三五萬計瑄累官至江西行省參知政事海道運
糧萬戶子文虎由管軍千戶擢至戶部尙書領漕事弟
姪甥壻皆爲顯官下至厮養佩虎符金銀符者無慮百

數一時貴盛人莫與比至元末有姚衍者上變告瑄將有異圖元主弗聽召丞相完澤曰張瑄有勞國家卿終保護之元主殂大德七年冬樞密斷事官曹拾得與瑄有隙復踵前疏丞相爭之不得收瑄下獄死斬文虎西市諸子悉竄漠北女沒入繡局其孫天麟年弱冠訟冤將作興篤爲奏占匠籍九年夏天麟伏東華門自敘祖宗勞績朝廷眷遇辭甚酸楚詔放還竄者改天麟父文龍董日本賈船等超都水監仍督漕事大司徒爲奏免匠役繡工天麟遂入宿衛至大三年拜絳路坑冶提舉弗就皇慶初眷注益隆天麟以瑄猶暴露奏請葬地業詔中正院還其籍土而爲議者所阻延祐二年始得請

瑄本不識一丁而署押公移但橫三指染墨印如品字人莫能贗之者性酷暴少拂其意輒縛人投之海籍沒後提舉司專督其家錢穀富可知矣朱清與瑄同建海運之策官至江南行省左丞諸子皆爲顯官其養子日新居嘉定之楊巷未冠已爲海運千戶繼入爲錫嘿巴齊賜只孫衣元至正間授宣武將軍江州路總管後清敗日新亦削籍

又云元祐七年庚申大旱黃姚鹽場負課甚多一夕海潮暴漲有光熠熠數日煮鹽皆紫色每鑊視舊數倍逋課得完已而復白

明

又云沈萬二名真一安亭人富甲一郡洪武初有人自京歸問其何所見聞其人曰皇帝近日有詩云百僚未起朕先起百僚已睡朕未睡不如江南富足翁日高丈五猶披被萬二嘆曰兆已萌於此矣卽以家資付幹僕掌之買巨舟載妻子汎游湖湘不二年江南豪右諸大族以次籍沒獨二獲令終

又云成化辛丑蘇衡數軍士被公遣赴崇明事畢泛海而歸爲大風飄至一島山麓深曠一人從林中出長可三四丈深目黑面獐醜不可喻見數人悉以藤貫掌心繫於樹下已而復入衆極力斷之而竄始放舟前者偕數輩狀貌無異蹲立水泚以手攀舷舟中一勇士急掣

刀斷其指始獲捨舟而去辨之乃一指中一節耳以小
尺度之尺有四寸因獻嘉定向貯庫中

又云紀王廟產蔬似芋而小味特香甜天順間土人金
鼎家培植得十枚如盃大獻英宗命中官問其煮法具
進令中官嘗之皆稱美賜鈔一錠遣還

又云正德中吳淞江東黃氏好游畋歲蓄鷹鵠數十使
十餘奴專事之一奴黃信最精其事武宗南巡江彬謂
蘇人善養鷹鵠敕郡選四人供奉御前郡知黃氏名下嘉
定取之黃信首應選次孫銑蔡某沙黃三皆瀕海人也
四人至郡郡以幕佐陪宴所過馳驛至南京彬引見武
宗在苑觀魚有鵠止於牆顧四人曰能取此鵠乎蔡某

正統丁未少元 卷三十一
對曰能應聲鵲落武宗大喜稱快旋有青鵲飛翔雲際
又顧四人曰能致此鳥乎黃信對曰能信有俊鵲展身
放之奮翼摩空一擊而鵲墮益大喜勅兵部俱官以百
戶供事虎圈恩寵殊渥明年隨駕至京未幾彬伏法四
人懼罪及皆逃歸

又云嘉靖中龔佩出家崑山之猛將廟爲道士能誦道
家神號慕上躬修元典來游京師以陶真人薦得侍上
賜名龔中佩娶有室家而諸大臣撰青詞者時從中佩
考問道家出處稍遷至太常博士已召佩西宮教習宮
人法事累官至太常少卿一日上在西宮呼佩閣或譖
其好酒立遣偵之偵者僞報佩已醉邵員外駿所上大

怒下佩詔獄并逮邵員外佩竟杖死邵亦奪官然龔邵實無交也

又云嘉靖倭寇之亂邑瀕於危一日賊薄西門偵守者睡梯而登已及女牆有童子起挑燈見之大呼衆驚覺亟擠石墮梯而退則童子頭已斷矣邑令哀之琢一石像坐於城闕之上東面至今猶存

顧成志嚳志述聞云倭寇之亂蘇州府同知任環爲寇所迫庖人徐佩以身扞公公免而珮死事見孝友傳歸震川先生紀事詩任公血戰一生餘蓮碧花橋村塢墟義士劉平能代死吳門今不數專諸劉平卽徐佩耶抑別爲一人耶

程國棟志云土語相矜有力者輒曰丁千觔馬八百蓋嘉靖間二勇士也故老云歲丙辰境內被倭當道購募材勇有丁馬二人至自鳳陽自號千觔八百體幹俱極修偉其角力也取富家門闌石鼓可四五百觔手橫抱之丁擲於馬馬復擲於丁還相擲抱如弄丸然目不瞬而氣不喘也一日有賊百餘犯江東二人躍馬而出戒衆曰汝等只顧割頭不必助戰丁先與賊遇舉鞭擊之應手而仆者數賊餘皆披靡一點者鞭不及身而詐仆丁以爲俱死矣徐下馬取其首足未及地仆者起奮刃中其股股廢墮地餘賊復攢刺之丁猶格鬥殺傷數賊然遂斃于亂刃矣馬八百後至大呼復殺數賊賊且盡

乃抱丁尸而哭曰君死矣我獨何爲買棺殮其尸辭上官而去不知所終

又云天啟丙丁間吳人建魏璫生祠于虎邱極其崇嚴李長蘅流芳恥之詩以見意曰送子金閨道高闕何巍我笑彼夸者子高危當柰何丈夫自有懷衆人鮮不波祠像旣成吳中官吏趨風往拜邑令四明謝三賓問于流芳流芳曰拜是一時事不拜是千古事

明史外戚傳云周奎蘇州人居嘉定婁塘莊烈帝周皇后父也崇禎三年封嘉定伯賜第于蘇州之葑門帝嘗諭奎及田貴妃父宏遇袁貴妃父佑宜恪遵法度爲諸戚先祐頗謹慎惟宏遇驕縱奎居外戚中碌碌而已李

自成逼京師帝遣內侍徐高密諭奎倡勲戚輸餉奎堅謝無有高憤泣曰后父如此國事去矣奎不得已奏捐萬金且乞皇后爲助及自成陷京師掠其家得金數萬計自成去奎降於我 大清

姚希孟薇天集左軍都督府帶俸嘉定伯周奎制曰倪妹洽陽麗繁星而配日作嬪瀉汭借厚地以凝天若非刻鵠貽書世奉伏波之教安得躍龍門上人傳明德之規豈徒肺腑情聯允矣河山誓永爾左軍都督府帶俸嘉定伯周奎遙系神明八百素嫺禮教三千綿瓊出自吳閭得風土清嘉之美維桑近依都會接冠裳文物之華而爾素履幽貞秉心淵塞裘馬絕五陵之氣解推敦

三代之仁雖九陌塵飛大隱不離朝市而一堂玉照中
閨有類蓬壺至若秉顏氏之家聲授班姬之女訓在宮
在廟河洲允紹于思齊克儉克勤塗山祇承乎文命攬
鳳輝于姒幄光輪發旦旦之華兆麟趾于堯門嫡冢衍
綿綿之祚凡諸瑞事集在清朝上荷天休感祖祐宗祔
之篤祐下思后族亦永原本本之當尋乃若翼翼棐忱
逡逡禮法自念身同尹姑以蔓草而附蘿圖豈宜勢並
金張借繁陰而成桃徑大官幸有餘粒不從脂澤以求
田曲突常懷隱憂每效鰥緯而竊歎寧特緣構領袖無
五侯列第之風祇願白晝閑庭從四姓小兒之學匪因
贊冊曷抒素心茲用覃恩晉爾爲左柱國特進光祿大

夫錫之誥命於戲一命僕而再命偃乃徵報國之忠滿
不溢而高不驕並見守身之孝維我長孫皇后之德已
弼陰教于管彤借爾申伯元舅之尊尚鼓芳風於戚畹
又妻制曰在國允釐紫極共黃墟而對峙于家曰配惠
風同甘雨以氤氲鍾祥作萬世之母儀報本昭百靈之
景貺爾卜氏乃左軍都督府帶俸嘉定伯周奎之繼妻
以茲令德宜儷通人當梁案之甫推比溫臺之未下將
導星源于銀海自有霓旌霞葆之迎欲開月窟于珠宮
定屬昴宿虹光之護禮既行于旭鴈慶遂發于河鳩無
儀著咏于斯千瞽宗夜誦害澣具陳于中谷箴管朝吟
至操作無憚勤勞而法粧宜還樸素教以雞鳴之警寧

知春曉璿宮行觀燕羽之飛豈料風生椒掖六宮駐馬
輦圻偕綸組以鳴鏘五麓催車駕輶並茵軒而輝耀問
厥金相之度誰爲玉女於成至若共對宵衣談紡績而
親蘭館偶辭會弁脫簪珥以待瑤階每陳賢母之令辭
宛類良臣之昭德借緣綈而霈惠從丹穴以尋苞茲用
覃恩封爾爲伯夫人錫之誥命於戲三寶曰儉還思井
臼之頻操五福用康何必鼓鐘而爲樂綸音佐宣房之
訓女宗作外戚之模

黃淳耀陶庵集送趙少府還郡詩序云崇禎十七年夏
六月於潛趙公自松江少府來攝嘉定縣事時賊陷京
師海內震驚嘉定沿海不逞之民多結黨伺釁者適村

民見弑于僕并其家七人皆被殺于是酒傭竈養什什
伍伍白晝持兵迫脅主父使出券以獻僕坐堂上飲噉
自若主跪堂下搏顙呼號乞一旦之命幸得不殺卽燒
廬舍斂錢物以去不三日而火及城之南隅公下車適
與變俱而備兵使者程公以他事行縣廼與公日夕計
議發兵捕殺二十人懸首以徇衆爲少定居數日程公
以邑事委公而去公多設條教旌善罰惡立保甲申鄉
約期月之間邑以無事說者謂嘉定之變實前此所未
有而程公以嚴法制之于前趙公以寬政撫之于後生
死而肉骨亦前此治嘉定者所未有也公每旦起坐堂
皇民有持訟牒至者閱竟乃受之其瞞調不可受者立

罷去之間一日出俸錢市鮮菜無一錢侵公帑科里役者其強力廉潔皆此類視事僅兩月撫軍祁公以卓異薦公于朝直指周公以公旦夕柄用不可久居下邑遂具疏請以進士嘉善錢公補嘉定令公遂去

按趙公事舊志名宦

中無傳而職官表亦不載其名今附著之

啓貞野乘萬尊師傳云嘉定侯少卿之長孫年十五病中見美婦邀與游處者三年婦曰十七姐侍婢曰曼仙阿絳輩數十其游歷皆仙都最勝者上清閣雲來洞白雲池其所赴法會曰雲都曰靈寶曰清福其所傳授曰靈山大師還丹法光陀大師取寶法皆靈符祕文久之赴光陀法會繼之者凌家處女也其家請萬環極効治

十七姐亦來笑曰萬法官其如我何環極設壇禮斗凌女亦設壇于池西臺上王女廟中除地設幡按五方八卦二十八宿壇外列天將四金甲神四十二一甲將領牒稍遲凌女命金甲神揮刀斬之凡七七而畢君復行翻壇法二女皆至告別曰吾與汝人天宿緣非彼所知也自是遂絕其幼孫見三眼怪爲祟爲請雷立獄并劾爨婢爲五郎神魅者青天無雲雷聲訇轟邁其宅幼孫夢三眼怪偕兄弟五人置酒痛哭而別囚首械繫言爲法官所劾流遠方矣

國朝

程國棟志云順治間查令逢盛故遼人隸旗下涖任之

日入自東門儀仗甚都見道旁鬻黃瓜者停輿取啖案牘文告不署幕僚每以墨書簽判加一朱筆默識而已然生長邊陲熟營伍情狀每兵丁過縣擾害市井逢盛策匹馬入其羣拍肩訶罵或取一二人置之法帖然不敢肆居民得安堵爲人樸實少機智以錢穀註誤繫獄金陵病死後見神于民民患疾病咸禱祀之

又云黃陶庵死節時遺孤望甫四歲及長將應院試學使胡在恪閱履歷冊問廩保生曰是誠陶庵兒耶對曰然已而竟不到遣役往其寓呼之則望忽魘臥牀口鼻血濡縷矣在恪方危坐以待役還報乃嘆息扃門望自此遂絕意進取

又云舟山賊張名振故明定西侯也順治十二年犯嘉定時帥府客謀以鐵鏈巨鎖置吳淞江中如三國吳人拒魏故事七月二日名振大舉拔鐵鏈遂襲丁家橋復搗閔行鎮男女皆傾都夜走爲倭亂以來未有之創張錫爵鈍聞文鈔云道山先生不詳其姓氏國初有端平王孫者師事之載與俱往來茗雪間茗有陳舒字原舒貌相類或誤以原舒呼之道山欣然曰我原舒也遂自呼爲陳原舒順治六年游嘉定自言家于白門察其音實非白門人也寓真際庵一日見城隅老樹有鶴集其上因繪圖且題詩以寓其意由是傾動一邑人爭物色之性潔善飲酒精音律興到作書意不可雖貴者

或遭其嫚罵田夫牧豎久與游處怡然善也遇主人有
良醢坐無俗賓散髮開襟夜以繼日忽然感觸涕泗橫
溢人莫測其何意也後徙虎邱尋歸白門居長千里里
人以金乞寫屏障君却其金濡筆寫成衆皆叫絕其高
致類如此康熙壬戌雲間董正度來迎遂如董氏居兩
月嘉定周萬周以舊好訪之道山笑曰子來耶正須一
見命酒對飲至夜分萬周臥道山端坐而逝嘗自寫照
科跣立左持一錢右執斧不知何義或曰崇禎年間嘗
見其服四品服云

崇明縣

元

趙廷健志云元朱清字叔登西沙楊姓奴也弑主奪其室亡入海偕張瑄爲盜遂習諸島門戶至元十二年元丞相巴顏招之署管軍千戶從征閩越有功授武略將軍宋亡遣清送圖籍入燕時方議餉道遂陳海運便宜授金符千戶命試運清徙家太倉與總管羅璧造平底船六十出運有功遷中萬戶二十年宋都統崔順屯紫霧島窺山東命清招降清與子虎扁舟至島誘殺之清益自得二十四年濬婁江達海大通番舫琉球日本高麗諸國咸萃焉太倉初止數十家至是稱天下第一都會二十八年清及張瑄自請爲都運府以千戶百戶屬之旋遷昭勇將軍海道都漕運萬戶元貞二年晉資善

大夫參知江南政事大德四年擢戶部尙書江東宣慰使賜玉帶子虎爲副萬戶姪旭甥黃成皆千戶養子日新忠翊校尉卽其主楊氏子也自清倡海運崇明人之封百千萬戶者百餘人非其族黨卽廝養奴隸耳清勢益張田宅徧東南倉庾相望番舶蜂屯或拂其意縛而投諸海人莫敢言其驕肆如此俄爲江南僧石祖告發吳伊蘇構之逮獄論死八年清虎皆戮于市家屬流遠方媳茅氏爲尼見列女傳

王昊當恕軒偶筆云大德九年崇明州海隄崩正一教主張與材俾弟子持符往劾之民夢有神填海者遂安

明

趙廷健志云顧進英某氏僕某卒一子在襁褓族羨其家迫某妻再醮妻泣謂進英身死不惜柰黃口何英曰無恐奴能以死爭之經年訟乃解幼主漸長與議婚產五子未幾幼主復夭姑媳熒熒相依于是進英持主人所遺五百金經畫之爲五郎延明師擇良偶事畢而進英八十餘矣乃白主母曰向所付五百金計廿年來婚娶喪葬日用若干今存者五千餘金請分授五郎君俾各自立奴有五男請分効犬馬五郎咸感泣謂我輩受君大恩五子何敢復辱請反君券以常禮見進英慷慨語曰是主人以不肖視英也英有異心豈直五千金耶五男各歸一主不令凍餒足矣請勿辭於是五郎不得

已受之進英仍往來總理一切如平常每見小主人雖提抱者必拱立曰名分所在不敢欺也進英年九十餘五郎歸其孫一人侍之進英自顧已老舉動需人又主厚意不敢却然且奉八金于五主曰賜一孫恩也償身價理也非理之事奴不敢爲五主不得已受之

又云王二者盜魁也初胙篋探囊後遂肆掠水陸間然遇貧困良善棄不取或值劫獲時反以物賙焉以故崇明之自名爲豪俠者多匿就之急輒賴以濟王二益自喜有所期必不爽雖難亦赴焉屢蹶而免適有天幸會事發擬斬解臬司在途窘甚王曰我往取貲役難之王怒曰吾欺誰而疑我乎明日待吾于婁門橋上可也竟

去至則王已先在傾其橐供數日用耳王復曰此去江寧往返時久而費多非更漁獵不可汝等先往司門西鮑家店中五六日後吾當來役不得已聽之過期至弟九日王二負一大束葦至曰路遇甚廉買此作爨因出所獲可三十餘金悉付役沽酒痛飲畢謂役曰店爲司前耳目地吾重犯不械恐累汝役械之而寢睡方熟忽店中火起諸役已醉驚覺抱衾而奔忘王二之械于牀也返顧則已死烈燄中聞之臬司驗結案役歸抵崑山西門外見王二于駟馬橋上大驚急詢之乃知蘆中有尸火之以脫身也非請械無以免店與役之疑噫嘻店則已矣役何愚哉小人眩于金與酒食而不暇察也是

日復大醉而別按此知盜賊之疎脫皆司盜者執之也
足怪乃有捕者操縱盜賊而待其奉不盡如王二之不可馴也捕役利益賊之貨盜賊恃捕役之庇此盜賊之所以接迹于世也哉

又云萬厯癸未知縣何懋官自郡回出劉河口日將晡中流昏黑颶風大作舟將覆乃肅衣冠禱于神自述廉平無過狀忽現一神燈尾之行竟入渡口人以爲廉吏之報

又云張名振之變守將李必令每塚派一民五塚派一卒潛立靜聽凡咳嗽回顧者貫其耳更深漏永止聞雞犬聲後并雞犬盡殺絕鳴吠者凡二十日

國朝

又云順治間總督郎廷佐渡江舵工綽號柴雞顧四崇
明人也啟云將有颶風不可渡郎不聽解纜風起舟覆
顧四入水救郎復生還德之拔置轅門歷官守備畀以
蘆洲家用是饒居金陵崇之鄉試者造訪必款接焉其
子讀書有采芹者

又云順治十六年發崇明水手征魚皮國次年凱旋述
其俗魚皮爲衣魚肉爲食頑梗不馴由滿州折而北干
里部議遣南匠攜板木鐵料抵其鄉造船揮水手大戰
彼舟四面皆板止一穴上通我舟使蓬如神用火器大
破之遁穴中生擒無算國主降時班師歸北民待南兵
惟謹咸詫爲神勇

又云康熙間長沙陳鵬年爲郡守典童子試見有鬚眉
皓然扶杖應試者驚詢之曰崇邑童生崔宗望問年幾
何曰八十有三矣試之立擗六藝爲之延譽遂獲售游
庠之日都人士聚觀之宗望字克明年九十餘無疾而
逝

又云棋童四康熙初人亡其名字工象棋天下莫與敵
行四故俗以是稱之嘗山行見二樵者對奕童視之曰
公等皆神技胡爲樵者樵者不荅已各諦視不能下童
指一人曰若將負吾能爲君平之爲道其狀樵者歎曰
瀛洲童子技至此尙望活耶言訖不見

又云賈琵琶字公達居城北關內善琵琶故江南皆以

是呼之其音能肖百物之聲嘗至燕京歷各直省莫有
匹之者

直隸太倉州志卷五十九終